

շինուածքն : Ի հասանիլ հրովարտակին՝ դատաւորն առեալ
 ընդ իւր զմեծամեծս քաղաքին եւ 'ի քննութիւն , եւ 'ի
 չգտանել նորա զայնպիսի փնասակար իրս , ծանոյց 'ի Դուռն
 թէ քրիստոնեայք քաղաքիս ոչ են արարեալ զայնպիսի
 իրս , ծառատունիք ձիթենեաց 'ի վալեմի ժամանակաց
 հաստատեալ են օրինօք դատարանի : Իսկ Հայք՝ որք ու-
 նին պարտէզս եւ զձիթենիս 'ի ներքս 'ի սրարսպին եւ ար-
 տաքոյ նորին , հաստատեալ են հրովարտակաւ Սուլթան
 Մուրատին , որպէս յայտ արար մեզ Մինաս վարդապետն
 Հայոց , ըստ օրինակիս յայսմիկ ծանուցանել 'ի Դուռն ,
 (1699) :

Եւ զկնի այսմ այլազգիք Սիոնի յարուցեալ 'ի վերայ
 Մինաս Պատրիարքի , պահանջին 'ի նմանէ բազում ինչ
 վասն պարտիզի գերեզմանատան , մերձ 'ի վանս Փրիշի :
 Թէպէտեւ Մինաս վարդապետ գնացեալ առ դատաւորն
 եցոյց առաջի ժողովոյն զհրովարտակս եւ զվաւերական գը-
 րեանս վասն տեղւոյն այնորիկ . եւ թէ օրպէս ժառան-
 գեալ են զայն Հայք 'ի սկզբանէ անտի . թէպէտեւ ասս-
 տեաց նոցա դատաւորն եւ խստազոյնս պատուիրեաց մի
 երբէք հակառակիլ ընդ ազգին Հայոց վասն այնր տեղւոյ ,
 ոսկայն նոքա ոչ մատուցեալ ունկն բանից նորին , գար-
 ձեալ նեղէին եւ խնդրէին զգումարս դրամոց 'ի միաբա-
 նաց : Եւ իբրեւ ոչ կարացին յագեցուցանել զազահու-
 թիւնս նոցա , սպառնացան արմատախիլ առնել զտունկս
 ձիթենեաց եւ գրաւել զսեղին . զի ասէին ունիմք հրովար-
 տակ վասն այսր : Նեղեալ յոյժ Մինաս վարդապետի մատոյց
 գիր աղաչանաց 'ի Դուռն եւ խնդրեաց սանձել զմոլեգը-
 նութիւնս նոցա : Գրեցաւ հրովարտակ առ դատաւորն Ե-
 րուստղէմի եւ առ քաղաքապետն վախճան տալ հակառա-
 կութեանց եւ նեղութեանց այլազգեացն Սիոնի եւ զան-
 հնազանդսն օրինաց եւ հրամանաց Արքայի՝ ծանուցանել
 'ի Դուռն . ՎՎՎ (1699) :

Ի ամին ժամանակի Երզնկացի Աւետիք վարդապետն
 նստեալ էր յԱթոռ Պատրիարքութեան 'ի Կոստանդինու-
 սօրիս : Սա գրեաց գիր յերուսաղէմ առ Մինաս վարդա-
 պետ , եւ նա արար նմա սլատոսթանի սիրով՝ խաբեալ 'ի
 պատիր բանից նորա , եւ առաքեաց զայն առ նա ընծայիւք :